



Adresa: **Ul. H. Ćemerlića 39**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: UP-1-21-3-40-130-5/23
Datum: **19.05.2023.**

«Agencija za vodno područje rijeke Save» Sarajevo rješavajući po zahtjevu Investitora „ORMAN“ d.o.o. Kiseljak, poslovna jedinica u naselju Opare za donošenje rješenja o vodnoj dozvoli za ispuštanjem oborinskih, onečišćenih voda u prirodni recipijent sa lokacije objekta benzinske crpke koja se nalazi u naselju Opare, općina Novi Travnik, na osnovu člana 109. stav 1. točka 13. Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „ORMAN“ d.o.o. Kiseljak, poslovna jedinica u naselju Opare, za ispuštanje oborinskih, onečišćenih voda u prirodni recipijent sa lokacije objekta benzinske crpke koja se nalazi u naselju Opare, općina Novi Travnik, na zemljištu označenom kao k.p.752/3, K.O. Opare, općina Novi Travnik.
2. Ova vodna dozvola se odnosi isključivo na ispuštanje oborinskih, onečišćenih voda u prirodni recipijent sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Smještaj nafte i naftnih derivata skladištiti u ukopanim dvoplašnim, čeličnim rezervoarima ukupne zapremine 60 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode
 - 3.4. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvede do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u vodotok - potok Grlovnica.
 - 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.

- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima.
- 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.9. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „ORMAN“ d.o.o. Kiseljak, poslovna jedinica u naselju Opare je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana izdavanja ovog rješenja.
 11. Prije isteka važnosti ove dozvole Investitor „ORMAN“ d.o.o. Kiseljak, dužan je da zatraži izdavanje nove vodne dozvole.

Obrazloženje

Investitor „ORMAN“ d.o.o. Kiseljak, poslovna jedinica u naselju Opare, podnio je zahtjev za izdavanje vodne dozvole za ispuštanje oborinskih, onečišćenih voda u prirodni recipijent sa lokacije objekta benzinske crpke koja se nalazi u naselju Opare, općina Novi Travnik, na zemljištu označenom kao k.p.752/3, K.O.Opare, općina Novi Travnik.

U provedenom postupku uz zahtjev za donošenje rješenja o vodnoj dozvoli, dostavljena je sljedeća dokumentacija:

- Kopija Rješenja o izmjenama podatak u registraciji broj: 051-0-RegZ-22-001834 od 14.12.2022. izdano od općinskog suda u Travniku.
- Kopija Uvjerenja o poreznoj registraciji, od 28.10.2021.godine, izdanog od strane Porezne uprave – Kantonalni ured Novi Travnik,
- Uvjerenje o registraciju Jedinstveni registar obveznika indirektnih poreza br. 04/1-17-1-UPJR/1-7039-2/21 od 09.11.2021.god., izdana od Uporave za indirektno oporezivanje Banja Luka
- Kopija uplatnice administrativne takse,
- Kopija uplatnice po Zaključku o posebnim troškovima
- Upotrebna dozvola za benzinsku crpku br: 03-23-5-1116/03 od 08.09.2003 od, izdanog od Službe za urbanizam i stambena pitanja općine Novi Travnik.
- Okolišna dozvola br. 03-19-613/20 od 31.08.2020., izdana od Službe za gospodarstvo, urbanizam, zaštitu okoliša i komunalne poslove općine Novi Travnik.
- Kontrolna dokumentacija, čeličnog dvoplašnog spremnika za naftu kapaciteta 60 m³, izdan od „KOVINA“ d.d. Visoko, br 823 od 23.05.2003.god.,.
- Elaborat o ispitivanju kvaliteta tehnoloških otpadnih voda izrađen od „Instituta za hidrotehniku“ d.d. Sarajevo br.lab-06-556/17-14 od 5/2017..
- Izvještaj o ispitivanju kvaliteta tehnoloških otpadnih voda izrađen od „Inspekt RGH“ d.o.o. Sarajevo, br.871/22 iz 6/2022.god..
- Ugovor o čišćenju i održavanju separatora i septičke jame sklopljen s poduzećem „DELTA PETROL“ d.o.o.Kakanj.
- Tehnički elaborat o ispuštanju otpadnih voda, izrađen od Ibis d.o.o. Zavidovići br. 14-IB-TE/13 iz 4/2013

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-130-4/23 od 24.04.2023. na kome je konstatirano sljedeće:

Predmetni poslovni objekt i izgrađen u naselju Opare, zemljištu označenom kao k.p.752/3, K.O. Opare, općina Novi Travnik.

Benzinska crpka sastoji se od nadstrešnice s automatima za istakanje goriva, objekta za prodaju i uredski prostor, manipulativnog prostora koji je potpuno asfaltiran.

Naftni derivati su skladišteni u dva dvoplašna spremnika ukupnog kapaciteta 60 m³.

Oborinske vode s manipulativnih površina se skupljaju i odvođe do separatora sa ispustom u vodotok –potok Grlovnica.

Sanitarne i fekalne vode se upuštaju u vodonepropusnu septičku jamu koju održava i prazni Delta Petrol d.o.o.Kakanj.

Izvještaj o monitoringu otpadnih voda br.1289/22 iz 9/2022.god., izrađen od „Inspekt RGH“ d.o.o. Sarajevo ukazuju da svi parametri, ispuštene vode su u granicama dozvoljenih, propisanih važećom uredbom.

Za izgrađeni objekt izdana je upotrebna okolišna dozvola od nadležnih institucija.

Objekt se ne nalazi u vodnom dobru.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva „ORMAN“ d.o.o. Kiseljak, poslovna jedinica u naselju Opore, ispunio minimum uvjeta za izdavanje vodne dozvole za promet ispuštanjem oborinskih, onečišćenih voda u prirodni recipijent sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata



Haris Ališehović, dipl. ing.grad.



Dostaviti:

- „ORMAN“ d.o.o. Kiseljak, Kraljice mira br.27, Kiseljak
- AVP, ISV – Vodna knjiga
- Sektor 50.
- Sektor 40, arhiva
- Oglasna ploča-AVP Sava